

ԱՐՈՒԵՍՏԱԳԻՏԼ ԵՒ ԳԵՂԵՑԻԿԻ ՀՄԲՈՆՈՒՄԸ
ՎԱԶԳԻՆ ՇՈՒՇԱՆԵԱՆԻ
ԲԱՆԱՍՏԵՂԾՆ ՈՒ ԿԻՆԼ ԳՐՔՈՒՄ

ԼՈՒՄԻՆԷ ՏՈՆՈՅԵԱՆ

Հայ գրականութեան մէջ քչերին է յաջողուել կնոջական ներաշխարհը համակողմանի քննութեան ենթարկել՝ տարբեր, նաեւ փոխլրացնող տեսանկիւններից: Շատերն են, իշարկէ, փորձել, բայց քչերն են կարողացել ներկայացնել կնոջն ու իր հոգէաշխարհը, քննել նրան իրրեւ ընկերութեան լիարժէք անդամի, իրրեւ մարդու, եւ որ ամենակարեւորն է՝ իրրեւ կնոջ, իրրեւ Գեղեցիկի:

Միրոյ գեղարուեստական սուր հարցադրումները, որոնք ընդգրկում են նաեւ կնոջ սեռային խնդիրները, յաճախ «խոհեմօրէն» շրջանցուել են ազգային նախապաշարումների, նահապետական ըմբռնումների թելադրութեան պատճառով (Յովհաննէս Թումանեան՝ Անուշ (1902), Մարտ (1889), յաճախ զուգակցուել ընկերային քննական կերպին (Տիգրան Կամսարական՝ Վարժապետին Աղջիկը (1904), Երուխան՝ Ամիրային Աղջիկը (1904), Շիրվանզադէ՝ Պատուի Համար (1904), յաճախ էլ այն ծածկուել է, խեղզուել ազգային-հայրենասիրական գաղափարների հօր չնչի տակ, ինչպէս Բաֆֆու Մամուչէլ վէպում (1886), Մուրացանի Թուզան դրամայում (1881):

Թերեւեւ խնդրին աւելի մօտ էին կանգնած Նար-Դոսի վէպերն ու վիպակները՝ Մայանուած Աղաւենի, (1898), Պայքար (1911), նաեւ Թումանեանի Անուշը, որտեղ սիրոյ առաջնայութիւնը ակնրախ է իրրեւ գաղափար եւ մտարդացում:

Սփիուքահայ գրող Վազգէն Շուշանեանի (1903-1941) ստեղծագործութեան առանցքը կինն է: Նա եկաւ ապացուցելու, որ կինը սոսկ գաղափարի կամ հարցադրումների գերին չէ: Կինը գեղեցիկն է, մարմինը, նաեւ՝ կիրքը:

Սակայն առաջին հայեացքից հարցադրումը կարող է հնչել որպէս մարտահրաւէր: Հէ՞ որ նրա հարուստ գրականութեան մեջ միայն կինը չէ: այնտեղ ուշադիր աշքը որսում է մի ողջ սերնդի կենսագրութիւն, աւելին՝ նոր միջավայրում, օտարութեան մէջ ազգային արժէքների պաշտպանութեան գերիխնդիր: Անշուշտ, դա նոյնքան կարեւոր տեղ է գրաւում գրողի կենսահայեացքում, բայց անվերապահ պէտք է Ընդունել Շուշանեանի ստեղծագործութեան գլխաւոր յատկանիցը՝ մարդկային բուռն զգացումների ձեւաւորման, զարգացման հակուածութիւնը: Նրա վիպակներում ակնյայտ է կրքի բախումի, սիրոյ յայտնութեան եւ գեղեցիկի պաշտպանութեան խոլական ձգտումը: Ահա թէ ինչու ամէն ինչից վեր Շուշանեանը մնաց գեղեցիկի եւ երիտասարդութեան երդիչ, սէրը մնաց գեղագիտական բարձրագոյն նպատակ, կինը՝ հոգէաշխարհի լուսաւոր կենտրոն, ցանկալի, յաճախ նաեւ՝ աննուած: Նա գրականութեան նշանառութիւնը որսում է անձերի

ճակատագրերում, հոգեբանական նուրբ հանգոյցներում: Շուշանեանը կարողանում է իր ապրումը, յոյզը, ցաւն ու ներշնչանքն արտայատել մարդկային ճակատագրերի համախորքում:

Շուշանեանը թողել է գրական մեծ ժառանգութիւն. զրանց մի մասը տպագրուած են, մի մասն էլ անտիպ: Հայաստանում Շուշանեան հրատարակում է դեռ 1960ականներից, թէեւ՝ անկանոն ընտրութեամբ: Հարկ է ընդգծել 2010ին Երեւանում լոյս տեսած Հնարքանին, որտեղ ընդգրկուած հինգ ծրագրային երկերից չորսն առաջին անգամ են հասնում հայրենի ընթերցողին:

Մեր քննութեան կենտրոնում Երեւանում Շուշանեանի հրատարակուած գործերից Բանաստեղծն Ու Կինը¹ հատորն է:

Այն կազմուած է Ներքին Ժիանութեամբ յատկանշուած չորս գործերից: Իբրև առաջարան՝ խմբագրի նախընտրութեամբ ընտրուած է գրողի «Ալեկոծ Տարիներ» գործի 29րդ գլուխը կազմող «Գրգռութեան Կարմիր Լաթը» յօդուածը, որին յաջորդում են «Բանաստեղծն Ու Կինը», «Մարմին Մեղապարտ» եւ վաղ տարիքում գրած՝ «Արծաթեայ Գիշեր» ստեղծագործութիւնները: Հատորը կազմոյ գործերն ընտրուել են ըստ բովանդակութեան, սիրոյ եւ սեռի յարատեւ խնդրի քննութեան թելադրութեամբ: Գրականագիտութեան մէջ քանից ընդգծուած է, որ Շուշանեանը «հայ գրականութեան լաւագյուն սիրերգակներից»³ է, Նրա ստեղծագործութիւններն առանձնանում են իրենց խոր քնարականութեամբ, ապրումի պողմումով, ներքին ջերմութեամբ, գեղեցիկի գնահատութեամբ, համարձակ գաղափարներով, հարուստ բառապաշարով: Մի առիթով հայրենի գրականագէտ Վազգէն Գաբրիէլեանը գրել է. «Սիրոյ խոհն ու փիլիսոփայորինը, սիրոյ պատճառած տառապանքներն ու հրճուանքները, յուզումներն ու զանազան ապրումները, մարմնական ու «կեղծ» սերերի դէմ՝ աստուածային ու «մեթանոս» սիրոյ որոնման, երազի գոտումները Շուշանեանը դրել է արծակ ու չափածոյ բազմաթիւ ստեղծագործութիւնների հիմքում»⁴:

Բանաստեղծն Ու Կինը հատորը տպագրութեան պատրաստած բանասէր Նայիրա Յարութիւնեանը յուշում է, որ այդ յօդուածը նախապէս գրուել է ի պաշտպանութիւն Հրաչ Զարդարեանի (1897-1986) Մեր Կեանքը (1934) վկաֆ:⁵

«Գրգռութեան Կարմիր Լաթը» յօդուածում Շուշանեան մտորում է սեռի եւ սիրոյ, բարոյականի խնդիրների չուրք: Այստեղ նա խօսում է գեղեցիկի, խակական արուեստի, գրականութեան, բանաստեղծութեան եւ իրական բարոյական չափանիշների իր ըմբռնումների մասին:

Շուշանեանը համարձակօրէն է քննել միւսներին «վրանրաց» թուացող խնդիրները՝ առանց վարանելու բարձրացնելով «արդեօր պոռնկազի՞ր է արուեստագէտը»⁶ հարցը, անմիջապէս մատնանշելով, որ սրանք միմեանց հետ առնչութիւն չունեն: Զի կարող արուեստագէտը պոռնկազիր լինել, երբ խօսում է մարդու նուիրական զգացումներից, հոգու կրակներից: Այս կենսադաշտը մարդուն է ու արուեստագէտինը, բանաստեղծինը: Ինչպէս վկայում է Գաբրիէլեանը, Շուշանեանը յաճախ է քննադատուել բաց նկա-

բագրութիւնների համար. «Ենիշու է, այդպիսի էօքր կան նրա գործերում, սակայն ճշմարտորիխն այն է, որ արտաքին այդ նկարագրութիւնները կերեւն են սովոր, իսկ եռիքնը, խորքը մարութ ո անկաշկանդ սէրն է, աշխարհի ապականութիւնից խոսափելու բուն ձգտումը, կեանքի այլանդակութիւնները մոռանալու ջերմ փափազը»⁷.

Մեր կարծիքով, սակայն, խնդիրը բոլորովին էլ այն չէ, որ երբեմն կերպարն առաւել թանձրացնելու, խտացնելու, կամ տեսարանն աւելի ազդեցիկ դարձնելու համար հեղինակը դիմում է նման այլ՝ «...պոռնկազիր է այն, որ զիի կը վերցնէ՛ նիրական կամ այլ վարձատրութեանց փոխարժեն, զրոբելու համար սուտ-մարքակոնի աղտեղի հաճոյրից: Պոռնկազրութիւնը մտադրութեան մէջ է, յատին մտրին»⁸: Հեղինակը մարտնչում է իշահակեցիկի, կրքի պաշտպանութեան:

Ճշմարիտ արուեստագէտը, ըստ նրա, պէտք է ազատագրուած լինի բոլոր տեսակի կապանքներից, հրաժարուած՝ բոլոր կաղապարներից: Նա ի վիճակի պիտի լինի խօսելու այն ամէնից, ինչ յուզում է իրեն ու մարդկութեանը: Ինչպէս ընդունուած է նաև Հոգեբանութեան մէջ, մարդուն ներսից կեղեգող խնդիրները պահանջում են դուրսկերում, որպէսզի դրանք ապրուեն, յաղթահարուեն, ամրողանան: Շուշանեանը պատկերաւոր է ներկայացնում այս տեսակէտը: «Խնչպէս մէզն որ քրտինքը, որ մեր մարմինը կ'ազատեն աւելորդ ու վնասակար տարրերէ, այդպէս ալ բար խողովակ կը ծառայէ հոս նաբբելու համար կեանքը իր աղտեղութեան ու բոյներէն: Վերը կարելի է բուժել՝ դուրս ցայտեցնելով քարախը, ազատելով արիսն վարակում ու նեխում, գտելով զայն»⁹: Ներսում հաւաքուած թոյնն է, որ մեզ այդքան հեռացնում է իրական արժէքներից, գեղեցիկից ու մարդկայինից: Նրանից վայրկեան առաջ պիտի ազատուել:

Չկայ մի «տարածք», երբեւէ մարդուն յուզած, էակին վերաբերող, ուր արուեստագէտը, բանաստեղծն իրաւունք չունենայ մտնել ու քննել, որովհետեւ արուեստը, գրականութիւնը մարդու հոգու փիլիսոփայութիւնն են, մարդու հոգէաշխարհի արտայայտումն ու սրատես աչքու կարծում ենք, նաևս սրանով է պայմանաւորուած գրականութեան ինքնամաքրման ու զտելու հզօր դերակատարութիւնը: Այն, ինչի մասին հասարակ մահկանացուն մտածելն անգամ համարում է «մեղք», արուեստագէտի համար չբարձրածայնելն է «մեղք», այս մասին խօսելուց վախենալը: «Սարդիկային կեանքին մթին կալուածներուն մէջ՝ չկայ հողի պատառ մը, որ օտար ըւլայ զրականութեան: Ու էն այլանդակ, էն եակերելի, էն արգիլուած երեսուրին վրայ իսկ արուեստագէտը իրաւունք ունի իր լուսարձակը պտտելու»¹⁰:

Գրականագիտութեան մէջ իշխում է այն տեսակէտը, որ Շուշանեանը սիրոյ ու երիտասարդութեան երգիչն է: Յիրաւի, նրա գործերում կան սիրոյ սահմանումներ, որոնցով, անկասկած, հարստանում են գրական ներքին չերտերը: «Թեմ զիտեր թէ սէր ի՞նչպէս բնակութիւն կը հաստատէ ուրիշ մարդոց սրտերուն մէջ, ո՞րիկէ կու զայ: Կու զայ հանդարտօրէն ու հանդիսաւորապէս, քայլ առ քայլ ու հետզիետէ ողողելով շրջակայքը իր

անոյշ լոյսովք թէ յեղակարծ նրանուրեան մը պէս, որ զիշերներով թիզ զարբուն պահելէ վերջ ցրտին զիշերամստի մը դրոյ կը զարնէ»¹¹:

Սփիւրքահայ գրող Մուշեղ Իշխանն իր «Աչըր Վ. Շուշանեանի Գրականութեան Մէջ» (1983) յօդուածում դիմուկ բնութագրել է նրա ստեղծագործութիւնը ռոմանահիմական ընկալման դիրքերից. «Գերզգայուն այս գրողը կենարին կեսը ապրեցաւ կարծես սիրոյ ընկալումին հաստնալուն հանար, միս կեսն ալ՝ զայն որոնելու, գտնելու եւ անոր տիրապետելու համար»¹²:

Արուեստագէտը Գեղեցիկն իր աշխարհայեացքում պիտի որսայ, պիտի դրան տիրի, պիտի սանձել կարողանայ, որպէսզի իր գործերը մարդկութեանը հետաքրքրեն որպէս արժէք, որպէս երեւոյթ, Հակառակ զէպքում՝ դրանք կը լինեն սոսկ միջակութիւններ. Շուշանեանը բարձր գտնուելով՝ գեղեցիկը կը եց իր մէջ, կարողացաւ իրենը գարձնել, ունենալ վայելել այն:

«Գրգռութեան Կարմիր Լաթը» յօդուածը Շուշանեանին մշտապէս յուզած հարցերի ներքին շերտերում է: Նա խօսում է գեղեցիկի ընկալման իր տեսակէտների մասին: Յօդուածը «տեղում է» իր նշանակութեամբ. այն կարծես միևս երեք գործերի գաղափարների, Հայեացքների գերխառացումը լինի, որն իր մէջ ամփոփում է այն բոլոր Հարցադրումների պատասխանները, որոնք յետոյ բացուելու են յաջորդ ստեղծագործութիւններում:

Նախ ընդունենք, որ Շուշանեանի գեղարուեստական աշխարհն առանձնանում է իոր քնարականութեամբ: Կարելի է անմիջապէս նկատել նրա գրական յատկանշական կողմերից ամէնից ակնառուն բանաստեղծական շուշը: Այս մասին վկայում է սփիւրքահայ ժամանակակից գրող Նուրար Զարինուտեանը «...պէտք է ընդունիլ, որ Շուշանեանի արծակը աւելի արտայայտիչ եւ աւելի բանաստեղծական է, քան իր բանաստեղծութիւնը»¹³:

Շուշանեանը, մեր կարծիքով, Հայ արծակի մէջ ամենաբանաստեղծական դէմքն է, թէեւ նա գրել է գերազանցապէս արծակ, եթէ չչաշուենք վաղ շրջանի մի քանի չափածոյ գործերը եւ, անշուշտ, «Երկիր Ցիշատակաց» (1927) պոէմը, որը տպագրուել է գրուելուց գրեթէ 40 տարի անց Երեւանում 1966ին, Համանուն ժողովածուում:

Գալով Բանաստեղծն Աւ Կիշշ երկին, այն կարծես անյանդ բանաստեղծութիւն լինի: Այս որոշ իմաստով, հեռացել է դասական պատմուածքին, վիպակին բնորոշ կառուցուածքից: Ընթերցողը յուզականութեամբ հետեւում է գրողի մտքի բնթացքին, տրամադրութեան վերելքներին ու վայրէջքներին: Եւ դա գործնական նպատակ է Շուշանեանի համար: Ստեղծագործութեան սիմֆէն յախուռն է, նոյնինկ, դրական իմաստով, մի տեսակ ցագուցքի, իր խակ բառով՝ «ցանոցիր»: Գերակշուում են հարուստ տեսաբանները, որտեղ առանձնանում է երկու կնոջ վառ կերպար: Մէկը օտար հրապոյն է՝ Լիւսէթը՝ փարիզուճի, միւսը՝ հարազատ Շաքէն՝ արեւելքի:

Լիւսէթը ներկան է՝ համարձակ, բռնկուն, միշտ հաճոյքի ծարաւ. «Լոկ վասաշ ու անյաց էգ մըն ես, կ'ըսէի մընին ծայնով մը...»¹⁴: Իրեւ հմուտ գեղագէտ՝ Շուշանեանը ճանաչողական խնդիր է դնում իր առջեւ. բացարձակ

գեղեցիկը յալտնագործել կնոջ մարմնի մէջ, բայց՝ հոգու որոնումի շարունակական թելադրութեամբ: Սրանք երբեք չի առանձնացնում, կնոջը դիտում է միջնադարեան բանաստեղծութեան ոգով՝ իրին հոգի ու մարմին, երբի եւ սիրոյ ամբողջութիւն:

Շաքէն եւս խորհրդանշական կերպար է, մարմնաւորում է Արեւելքը: Արտաքնազէս խաղաղ է, անվրուզ, սակայն կին երեւոյթի պէս բաց է սիրոյ, սեռի առաջ: Նա ունի պարզ կնոջական ցանկութիւններ: ուզում է սիրել ու մանաւանդ՝ սիրուել: Նա հրաշալի գիտի, որ այն տղան, որի հանդէս ինքը ներքին մզումներ ունի, իր լաւագոյն ընկերունու սիրեցեալն է: Այս պարագայում, սակայն, սեռի ձայնն առաւել բարձր է հնչում: «...Վայրկեան մը յետոյ կյութեամբ կը վերադառնայ ու կը կծկոի մարմնիս: ...Կը զգամ մարմինը, որ կը խլոտի սիրով, բազուկներու մէջ կը զլվեմ զայն...»¹⁶

Այս խողըին զուգահեռ հայուշին բերում է ազգային յուզական երակ՝ հեղինակին կապելով յիշողութիւնների, կորսուած հայրենիքի, մօր, քրոջ միշտակների հետ, որոնք «... վիսա կը քափին ծիսնի ուրախ փարիններու պէս...»¹⁷: Անցեալը, զգայութիւնները մշտագէս Շուշանեանին տարել են մանկութեան մաքուր ու խաղաղ հանգրուան: Նա այս մասին խօսելին երբեք էլ չի թաքրել սրտի խայտանքը: Նրա համրա մանկութեան վառ յիշողութիւնները դարձել են մշտակնեական կէտ՝ ներկայ օրերի համատարած աղտեղութեան մէջ: Պատահական չէ Մ. Իշխանի հետեւեալ մտորումը: «Երկու մարդ կայ Շուշանեանի մէջ, մէկը՝ որք մնացած մանուկը, որ կեանքի դաժան ճամբաններուն վրայ քափառիկ ընտանեան օճախի և մայրական գորգուրանքի կարօտով կը տառապի շարունակ: Միաը՝ սեռային ցանկութիւններով բռնկած երիտասարդ սիրահարը...»¹⁸: Տողերի արանքից երեւում է Շուշանեանի հրճուանքը առ մանկութիւն, առ մայր... «Մէկիկ-մէկիկ յիշատակներ կ'ելլեն, ցնծաղիկներու պէս, ծմրան մնխրին տակեն: Սիրելի դեմքերու վրայ տարրեր ու անոյշ լոյս մը կը ցոլայ»¹⁹: Եւ ինչպէս տեղին է նկատել Զարխուտեանը, «Շուշանեանը կը նուազէ երկու լարերու վրայ՝ իրապաշտութեան լարը եւ երեւակյութեան լարը»²⁰:

Շաքէն անցեալն է, բայց նա է, որ յաղթանակ է տանում լիւսէթի՝ ներկայի հանդէպ: Լիւսէթը մեծահոգի է, ներող, անձնուէր, նա լաւ գիտի իր տեղը սիրած տղալի կեանքում: Զգում է, որ իր մէջ տանուէ կ տուել կինը, բայց ոչ առաւելական այլ մի կնոջ, այլ նրա մէջ յարատեւող «ազգայինի» արժէքներին: Շուշանեանի սկզբունքն է սա՝ ոչ մէկը միշտակի կամ նրա կրողի գիմաց կարող է յաղթանակող դուրս գալ: Լիւսէթը հեռանում է արժանապատուօրէն՝ սիրոյ մեծութիւնը եւ արժէքը բարձր պահած: «Ուզեմ ալ՝ չեմ կրնար ատել թեզ, յարեց շատ մեղմօրեն:... Շարէին ըստ, որ չեմ վշտացած դիմք գիտեմ որ ինձնմ առաջ կը սիրեր թեզ ու ինձնմ ատելի իրաւումք ունեի թեզ սիրելու...»²¹

«Սարդի անդունի մըն է»²² բազմիմաստ բանաձեւումով Շուշանեանն իր այս ստեղծագործութեան մէջ վերարծարծում է ուսու գրող Ֆէոդոր Դոստուեսկու ։ (1821-1881) ներաշխարհի քննութեան փորձը: Այդ անդուն-

դում եռեւեփում են բնազդը, կրթերը, խմացական տարերքը, սէրը առ Աստուած, որից «ծլարձակ» պիտի ծաւալուն խիճճը, մեղքի ենթագիտակցումը, ինքնամաքրումի պատրաստ պայծառատեսութիւնը: «Ու զարմանալի չէ, որ պարզամիտներն են լոկ..., որ ամրողովին կանուած իրենց տղիսութեամբ ու ցանվ, առի ու ժամանակ չունին շափելու այդ անդունդը»²²:

Անգունդի ներքին շերտերում հոգեկանը տարանջատում է, մարմնի մէջ գոյացնում է վիճ, որը երբեք չի լցում: Հոգու եւ մարմնի հակադրական խորքերում, անգունդի անտեսանելի շրջադարձերում է ծեւելում գաշնութեան, գեղցիկի ըմբանումը, որոնց բարձրագոյն աստիճանը վեհի ու անանձնականի սահմանն է: Այսուհետեւ, «Անխառն իրուանք չկայ երկրի վրայ ու մարդը անդունդ նըն է»²³: Եւ Շուշանեանը յուսահատ նկատում է: «Կեանքս դաման կրի մըն է՝ արտարին եղելորիններուն, օրենքին եւ ընութեան տարերին դէմ: Խօգում ներքին աշխարհին եւ արտարին իրութեան միջու հետզիտ կը վերածոի անանցանելի խրամատի մը»²⁴:

Այսուհետ է տառապանքի մեծութիւնը:

Շուշանեանը գրական գեգերումների մէջ այդպէս էլ չգտաւ «յաւիտենական կին»²⁵ խորհուրդը: «Ան ճանցաւ դիրամատչիլ կիներ, պերճադիններ, պահանջկոտ կիներ, անմերձնալիններ՝ առանց սակայն կարենալ զոհացնելու իր հոգին ծզումները»²⁶: Կնոջ կատարելութիւնը եւ անկատար աշխարհը հակադիր բեւեռներ են: Գրողը անընդհատ որոնումների մէջ է՝ անցեալի զիրգ միշողութիւններում, ներկայի ցոփ ու գունագեղ օրերում, ինչու չէ՝ նաև ապագայում: Սակայն, ապարդիւն, նոյնիսկ նուրբ մարմնով ու հոգով փարիզուհին՝ Լիսէթն էր նկատել: «Գիտեմ, որ միշտ չպիտի սիրես զիս... այն մարդոցն, չես, որ մէկ սիրով կը գոհանան: Բոլոր ըսածներդ չեմ հասկար, բայց կը զգամ որ զիս չէ, որ կը սիրես, այլ կինը...»²⁷:

Շուշանեանը յաճախի է իր ստեղծագործութիւններում անդրադառնում երազին, երեւակայական տիրոյթին: Այս գաշտում նա լիակատար ազատ է, կարող է անյագօրէն խօսել իր խոհերի, մտատանջութիւնների, ցանկութիւնների մասին: Երազում, այսինքն՝ ենթագիտակցական աշխարհում, ամէն ինչ այլ է՝ այստեղ են մանկութիւնը, երիտասարդութիւնը, ապագան, զգայութիւնները՝ հաճելին, տիրութիւնը, ատելութիւնը կիրքը: Եւ այս ամէնը՝ կողք-կողքի: Արուեստագէտն է միայն, որ կարողանում է դրանք ներքնապէս դասդասել, համազրել, եզրայանգումների գալ:

Կնոջ ներաշխարհի գիտակ Շուշանեանի փնտուածը միայն սեռը չէր: «Յանկուրինն, երկրեն աքսորեալ մէկուն պէս, պիտի դեզերի բոլոր կիննուն շուրջ ու ամէն տեղ հոգիս անհանգիսա պիտի ըլլայ: Երբեք որեւէ երդիքի տակ լին անողորութիւնը չպիտի դիմաւոր զիս ու երկրի բոլոր աղջկներէն ո՛չ մէկը կեանքի ընկերու ու կինս պիտի ըլլայ»²⁸: Գեղագէտ Շուշանեանը խոնդիր ունէր իր գորշ ու միապաղագ, դժուարին ու անակնկալ ցնցումներով լիցուն կեանքում որոնելու այն լոյսը, բարին ու ներդաշնակը, որը մէկ բանաձեւումով կարելի է բնորոշել՝ Գեղցիկ: Նրա ստեղծագործութիւնները լի են անսահման բարութեամբ, կարօտով ու սիրով:

Շուշանեանի թանաստեղծն Ու կինը սուր զգացականութեամբ օժտուած գիրքը աչքի է ընկնում իր ոճային խորքով, ենթիմաստներով, Համարձակ բանածեւումներով, պերճութեամբ. «Ես այս բոլորը՝ զրուած ջինջ ու հարուստ լեզուով եւ ոճով մը, որ իր ելեւ զումներով, այլազանութեամբ եւ բոնով կը յատկանչէ Շուշանեանի արուեստը և ինքնառապութինը»²⁹: Այս առումով իմաստափց է գրականագէտ Սուրեն Դանիէլեանի մտորումը. «Գրողի լինելութեան նախապայմանը Վ. Շուշանեանի հրաշալի լեզուն է՝ նոյիրումի ու ճանաչումի լիապարար պարտէզը՝ ի՞նչ խորունկ քրիմներ, ի՞նչ բարձր տիրապետութիմ: Այդ լեզով ընկալութինն է, որ հայ արձակում նրան տանում է քնարականութեան, բանաստեղծական անմատչելի զարթիվեր բարձունքի, իրատեսակ մննաստանի: Նա դառնում է հայ բանաստեղծական արձակի ամենից փնտուած իշխանը»³⁰:

Թանաստեղծն Ու կինը հատորում է տեղ գտել «Մարմին Մեղապարա» («Անձկութեան Եւ Զարչարանքի Գիշեր Մր») գործը: Խօսելով Շուշանեանի արձակի օճային առանձնայատկութիւնների մասին՝ արձակագիր եւ գրականագէտ Գեղամ Մեւանը գրում է. «Միատեսակ են բոլորը՝ միօրինակ չմնելով համելք, և իրարանշիլոր մի խոր ապրումի տարբեր հասուածները կարծեն լինեն»³¹: Խօսապէս, Շուշանեանի ստեղծագործութիւնները միօրինակ չեն, քանի որ բացառապէս ինքնակենսագրական բնոյթի ենթահոգով հանդերձ, կարողանում են բարձրանալ ներանձնականից:

Այս գործում չկայ սիրտէ՝ որպէս այդպիսին, ու գրողը կրկին մարմին հոգու, սեռի եւ սիրոյ յորձանուտում է: Ինչպէս հեղինակն է յուշում, այս ստեղծագործութիւնը «ախտաճանաշուրթեան համեստ փորձ մըն է...»³²: «Մարմին Մեղապարա»ում Շուշանեանը կարծես քաշում է «փողոցի» սիրոյ վարագոյները, եւ նախարանում ընդգծում, թէ որտեղից է առաջ եկել այդ սէրը. «Նազովրեցին՝ տառապանքի հասկացողութիւնը բնուած խոնջ ու ծանձրացած հերանու հասարակարգին: Եր առաքեալները որացան մարմինը որ մեծագոյն հարստութիւնն է այս վաղանցուկ ու հողէ աշխարհին մէջ ու սրբազն անօրը մեր հոգիին, (գեղեցիկ քնակավայր): Որպէս հետեւանք՝ մարմնական սէրը՝ որ ամենէն առողջ ու ամենէն զեղեցիկ քնազըն է զուցէ, դարձաւ արգիլուած հաճոյք: Յնտապային ապականեցան մարդիկ»³³:

Շուշանեանից առաջ հեթանոս սէրը դարձաւ Դանիէլ Վարուժանի (Զպուգքարեան, 1884-1915) բանաստեղծական այցեքարտը՝ նա մի ամքողջ շարք գրեց՝ բերելով արքշիո, համարձակ պատկերներ: Վարուժանը ծառանում էր նոր շրջանում սիրոյ վաճառքի դէմ. ահա թէ ինչու նրա համար հեթանոս կիրքը, ազատ յարաբերութիւնը մաքրութեան խորհրդանշան էր ներկայ օրերի դիմաց: Այդ ազատութիւնը, որպէս գեղեցիկի բատկանչական մէկ կողմ, գտնում է հեթանոս զարերում: Այստեղ է կինը՝ տրձանքի մէջ, ինքը՝ յորձանքը, ինքը՝ բնութիւնը:

Մարդն է, որ աւելի ուշ սահմանագատել է հոգին սիրուց, կրթից: Մարմնական կապն առանց հոգեկանի տիրապետութեան, Շուշանեանը համեմատում է փողոցի անկիւնում զուգաւորուող շների կամ կատուների յարաբ-

ըութեան³⁴: Կարեւորելով հոգու եւ մարմնի ներդաշնակութիւնը՝ Շուշանեանը գրում է. «Ալայրկեաններ կան եր ինձի կը բոի թէ մարմնական վայելը ընազդական ծագում ունի, կը պատկանի մարդ-անաստին ու զնացումն յետոյ հոգին կը թեր անհուն տխրութիւն, թեկում ու ծանծրոյք: Մինչեռ հոգեկան վայելըները մեզ կը տանին ուրախութեան մը որ անխան է ու կազդութիչ»³⁵:

Ցաջորդ եւ վերջին գործը, որ տեղ է գտել այս ժողովածուում Շուշանեանի վաղ շրջանում գրած գործերից է, որ կոչում է «Արձաթեայ Գիշեր» (Երեք վիպական տրամախօսութիւններ): Այն հետաքրքրական է իր մատուցման եղանակով, գաղափարի փնտուտութով եւ լուծումներով: Այն տեսարանի որոշ գերակայութեամբ մօտենում է թատերախաղի:

Չրուցում են երկու երիտասարդ, որոնցից մէկին հեղինակն անուանում է «Գունատ», երկրորդին՝ «Միւս»՝ անհրաժեշտութիւն չտեսնելով նրանց անուանները մատնանշելու: «Գունատ» կոչելով՝ Շուշանեանը ցանկանում է ընդգծել նրա՝ անգոյն, առանց հրապոյիր ապրելակերպը: Գունատ տղան մարմնաւորում է մի տեսակ եթերային, ոչ-առօրէական բանաստեղծին, որն ապրում է երկնային հովերով: Մինչդեռ Միւսը առօրեայ կեանքը ապրող, գժուարութիւնների դէմ մաքառող, կեանքը տեսած մարդուն է կերպաւորում:

Նրանց երկինուութիւնը վիճարանութիւնն չէ. նրանք ընթերցողի սեղանին գնում են տեսակէտներ աշխարհի, մարդու, կեանքի, սիրոյ եւ սեղի մասին: Եւ որ ամէնից հետաքրքիրն է՝ նրանց տեսակէտները չեն բախւում, այլ զուգահեռ ընթացք ունեն: Հիմնովին տարբեր է գեղեցիկի նրանց ընկալումը:

Գունատն առանձնանում է ծայրայել գնահատութեամբ՝ մերժելով մարմնականը սիրոյ մէջ, պաշտպանելով հոգեկանի, պատոնականի առաջնայնութիւնը, դաւանում բարձր արժէքներ, մերժում յետնախորշային, բնազդային կապերը. «Կ'ատեմ երկիր իրնուանքները, որ ծագումով անսանկան են ու գոնիիկ՝ իրենց արտայայտութեան եղանակով»³⁶:

Ստեղծագործութեան գաղափարական շեշտադրութիւնները յանցում են Դոստուեսկուց բխող անդունդի խորհրդին: Անտեսանելի եւ տեսանելի է պայքարը արուեստի եւ առօրեայի միջեւ: Տեսանելի՝ տառապող մտաւորականի համար:

Հստ Գունատի՝ ամէն բան գեղեցիկ է, առեղծուածային, երբ կան խորք, ենթիմաստ, ծածուկ ենթաշերտեր. «...Ի՞նչ որ զիս կը իրապուր անմիքական գեղեցկութիւնն է, իրերուն զալտնի երածշատրիւնը»³⁷: Նա անողոքարար մերժում է հեթանոսութիւնը՝ այն համարերգ «մերկ, արինարու, վայրի» պաշտամունք. «Միշտ մերժած եմ հերանոստութիւնը, որ կեանքի ըմբռումներուն էն բանձրացեալն է: ...Կրօնը հոգեկան պացը է, մինչդեռ հերանոստութիւնը ամէն յուզում ու ընծայարերում կը վերած մարմնական վայելը: Լոկ նշուշն ու խորհուրդը գեղեցիկ են: Հերանոստութիւնը մերկ է...»³⁸:

Եթէ Գունատն ըմբոստ է, բռնկուն, պոռթկումների սիրահար, ապա Միւսը խաղաղ է, հաւասարակշիռ: Նա ձգում է ընկերոջը «երկնային ոլորտից իշեցնել» ու վկայել, թէ ապրել միայն վիպաշին պատրանքով, Հնարաւոր չէ: «...լոկ երազի մանաման չի բաւեր կերակրելու այս զնայլելի ճարմինը»³⁹: **Այստեղ նրա վրայ ներգործուն է Անդրէ Ժիդի Երժեային Մնուշները (Nourritures Terrestres) (1897) վէպի հմայքը, որի թարգմանութիւնը հայ գրովի համար իւրատեսակ բաղձանք էր, որին ինչ-որ ժամանակ նա լծուել էր: Միւսի մտածողութիւնն աւելի գործնական բնոյթ ունի: Իրական են մղումները: Նա հրաշալի գիտակցում է, որ «...մարդոր ոչինչ կայ երկրի վրայ, քանի որ կեանքին օրենքը հաստատուած է հակասութենականի դեպի տրամարանքին, ցաւեն դեպի հաճոյր, տածանքն է դեպի դիրակեցութիւն փորձուած ծիզին վրայ»⁴⁰:**

Ստեղծագործութեան հանգուցակետում Գունատ տղայի եւ Միւսի խոհերը, ի վերջոյ, համագրուում են, աւելին՝ փոխլրացնում իրար: Գունատի մտորումների մէջ աստիճանաբար բուն դրած երկուութիւնը ստեղծում է նեղ իրավիճակ, ինչ-որ տեղ երրում «մեղքի» իւրովի զգացում: Այդ «անցումը» հերոսը համարում է բարոյական անկումի տրամադրութիւն: «Կ'ընրունն թէ ո՞քան դիրին է երազեն դեպի գիտութիւն վայրահակ անկումը»⁴¹:

Այստեղ օգնութիւնան է զալիս Միւսը՝ ազատելով ընկերոջը նման մտաւանջութիւնից: «Որեւէ հաճոյր վերաբարդելու ամեն ճիզ գիտութիւն է: Ու մարդը մեղաւոր է, ի սկզբանէ, քանի որ մեր մայրերը մեղանչելով կը յանան մեզ: Ապրի կը նշանակէ ապականի, կորսնցնել աստիճանաբար զգայարաններու առաջին զուարքութիւնը»⁴²:

Գունատ տղան եւ Միւսը Շուշանեանի երկու ես-երն են՝ Մարդը եւ Արուեստագէտը: Հետաքրքականն այն է, որ նրանք թէեւ բանավիճում են, սակայն ներքին միասնութիւնան մէջ են: Եւ կարելի է հետեւութիւն անել, որ Շուշանեանն այս պարագայում չունի կարծրատիպեր: Նա միեւնոյն երեւոյթը կարող է եւ ֆնադատական, եւ պաշտպանական տեսանկիւնից դիտել:

Գունատ տղան սեռի դրսեւորումների բարդոյթ ունի զգում է, ապրում անորոշ ցանկութիւններ: «...Կ'ուզէի գովելով խօսի՝ մակընթաց ցանկութեան մասին, բայց թերան կ'ամշնայ բառերէն: Կը զգամ աշքերուս կրակը, շրբութներուս դողն ու երակներուս սարսուր»⁴³: Վերջում, իհարկէ, Գունատ տղայի մէջ յաղթում է զգացումի ուժգնութիւնը: «Հետութենն կը խանձին ու կ'ոզեմ բաժակս փշրել աղուոր պորտիդ վրայ: Օ՛, լուսաւոր, իրաշագեղ, բացադիկ սիրոյ զիշեր, ո դոյն թեզ...»⁴⁴:

Այսքանից յետոյ հնչում է մահերգը, մեռնում է «անգոյն» կեանքով ապրող գունատ տղան: «Գունատ տղուն աշքերուն խորը կը ծուարի մահնուան ծարաւը: Յուսահատութիւնը զարկած է զայն: Ասուան հովը մերկ ծանծերուն մէջ կը սովէ: Գուցէ մահերզ մը»⁴⁵, ճիշտ եւ ճիշտ ինչպէս Մահուան Առաջաստում:

Գուցէ տղան այլեւս գունատ չէ...

Այս հատորի լոյալնայումը նպատակ ունէր առաւել խորքով ընկալելու Շուշանեան արուեստագէտի ըմբռնումներն ու դիրքորոշումները Շուշանեան այն հեղինակներից է, որոնք կարողանում են ասելիքը հմտօրէն ուղղել տողերի արանքից: Նա յորդ է բերում ընթերցողին, տանում զգացմունքի եւ զգայութեան մաքրութեան, բացայատում ներաշխարհի գոյներ:

Վազգէն Շուշանեանը դարձաւ սփիւռքահայ զրականութեան մէջ փոթորկու ու յախուռն կրքի երգիչ: Նա իր քնարական արձակով հիւսեց նաեւ կարօտի ու հայրենասիրութեան երգը: Իր ստեղծագործական էջերով, օրագրութիւններով, նամակներով կարողացաւ կերտել ապրելու, միրելու տեսնով բռնուած երիտասարդ, ուժեղ անհատի կերպարը: Շուշանեանը մնաց կեանքի անուղղայ սիրահար:

ՄԱՆՕԹԱԳՐՈՒԹԻՒՆՆԵՐ

¹ Վազգէն Շուշանեան, Բանաստեղծն Ու Կիել, խմբ. Գուրգէն Գասպարեան, Երեւան, «Նայիրի», 2005:

² Շուշանեան, Բանաստեղծն, էջ 226:

³ Գեղամ Սեւան, Վազգէն Շուշանեան (Գեանքն Ու Մանղծագործութիւնը), Երեւան, ԳԱԱ Հրատ., 1968, էջ 14:

⁴ Վազգէն Գաբրիէլեան, Սիփեռքահայ Գրականութիւն, Երեւան, ԵՊՀ Հրատ., 2008, էջ 232:

⁵ Շուշանեան, Բանաստեղծն, էջ 226:

⁶ Նոյն, էջ 5:

⁷ Գաբրիէլեան, էջ 232:

⁸ Շուշանեան, Բանաստեղծն, էջ 6:

⁹ Նոյն, էջ 8:

¹⁰ Նոյն:

¹¹ Նոյն, էջ 11:

¹² Մուշեղ Խլսան, Ծրգիր, Երեւան, «Նայիրի», 1990, էջ 570:

¹³ Նուպար Զարխուտեան, «Բանաստեղծը Եւ Կինը», Բազին, ԻԲ. տարի, թիւ 1, Յունուար 1983, էջ 87:

¹⁴ Շուշանեան, Բանաստեղծն, էջ 54:

¹⁵ Նոյն, էջ 84:

¹⁶ Նոյն, էջ 73:

¹⁷ Մուշեղ Խլսան, Ծրգիր, էջ 569:

¹⁸ Շուշանեան, Բանաստեղծն, էջ 72:

¹⁹ Նուպար Զարխուտեան, «Բանաստեղծը Եւ Կինը», Բազին, Յունուար 1983, թիւ 1, էջ 91:

²⁰ Շուշանեան, Բանաստեղծն, էջ 115:

²¹ Նոյն, էջ 55:

²² Նոյն:

²³ Նոյն, էջ 108:

²⁴ Նոյն, էջ 95:

²⁵ Նոյն, էջ 72:

²⁶ Զարխուտեան, էջ 89:

²⁷ Շուշանեան, Բանաստեղծն, էջ 71:

²⁸ Նոյն, էջ 72:

²⁹ Զարխուտեան, էջ 91:

- ³⁶ Վազգէն Շուշանեան, Հետրահի, Երևան, 2010, էջ 11 (առև.' Սուրէն Դանիէլեանի վկազգէն Շուշանեանի Գրական մակատագրի Առջեւ առաջարանը):
³⁷ Գեղամ Մելան, Վազգէն Շուշանեան, էջ 17:
³⁸ Շուշանեան, Բանաստեղծ, էջ 119:
³⁹ Նոյն:
⁴⁰ Նոյն, էջ 147:
⁴¹ Նոյն:
⁴² Նոյն, էջ 174:
⁴³ Նոյն, էջ 175:
⁴⁴ Նոյն, էջ 177:
⁴⁵ Նոյն, էջ 185:
⁴⁶ Նոյն, էջ 187:
⁴⁷ Նոյն, էջ 192:
⁴⁸ Նոյն:
⁴⁹ Նոյն, էջ 212:
⁵⁰ Նոյն, էջ 219:
⁵¹ Նոյն:

THE AUTHOR AND THE PERCEPTION OF BEAUTY IN
VAZKEN SHUSHANIAN'S BOOK,
PANASDEGHEDZN OO GINE (THE POET AND THE WOMAN)
(Summary)

Lusine Tonoyan

Not all the writings of the Diaspora Armenian author Vazken Shushanian have been published. Except for his early poems and "Yerkir Hishatakats" (country of memories), Shushanian has mostly written in prose, with some writings published in Armenia and others in the Diaspora.

The article highlights Shushanian's book, *Panasdeghedzn Oo Gine* (*the poet and the woman*), published in 2005 in Yerevan, which sheds light on Shushanian's aesthetic views. Shushanian's very indicative and meaningful article "Kerkutian Garmir Late" (the red fabric of provocation) is put as the introductory chapter of the book.

Shushanian holds a unique place among the *avant-garde* authors of the Armenian Diaspora. He highlights the refined/delicate facets of the woman's inner world in a very skillful and masterly manner. Shushanian perceives the woman as a mother, a female and most importantly as a sacrament of harmony and beauty.

